

Vanræki viðskiptavinur að gera úrbætur sem hitaveitan hefur mælt fyrir um, í samræmi við reglugerð þessa, getur hitaveitan látið framkvæma það sem þörf krefur, á kostnað viðskiptavinar.

14. gr.

Reglugerð þessi sem samþykkt er af stjórn hitaveitunnar er hér með staðfest samkvæmt orkulögum nr. 58 29. apríl 1967 og öðlast þegar gildi. Jafnframt er felld úr gildi reglugerð nr. 664 frá 22. desember 1995.

Iðnaðarráðuneytinu, 17. október 2002.

Valgerður Sverrisdóttir.

Þorgeir Örlygsson.

REGLUR

**um breytingu á reglum nr. 692/2001, um ársreikninga lánastofnana,
með síðari breytingum.**

1. gr.

Töluliður 8 í yfirliti yfir skuldir og eigið fé í 4. gr. verður eftirfarandi:

8. Eigið fé.

- 8.1. Hlutfé/stofnfé.
- 8.2. Varasjóðir.
- 8.3. Endurmatsreikningur.
- 8.4. Óráðstafað eigið fé.

2. gr.

Liðurinn „Reiknuð gjöld/tekjur vegna verðlagsbreytinga“ undir 2. tölulið í yfirliti yfir liði rekstrarreiknings í 5. gr. fellur niður.

3. gr.

2. mgr. 8. gr. fellur niður.

4. gr.

Í stað núverandi 3.-5. mgr. 31. gr. koma eftirfarandi málsgreinar:

Á eiginfjárlið 8.3, „Endurmatsreikningur“ skal færa endurmat á varanlegum rekstrarfjármunum og óefnislegum eignum.

Á eiginfjárlið 8.4, „Óráðstafað eigið fé“, skal færa þann hluta af hagnaði ársins eða hagnaði fyrri ára sem hefur ekki verið ráðstafað á aðra eiginfjárliði.

5. gr.

5. mgr. 43. gr. fellur niður.

6. gr.

Í stað núverandi 49. gr. komi eftirfarandi grein:

Eignir samkvæmt liðum 9, 10 og 11 skulu metnar á kostnaðarverði, enda sé það í samræmi við góða reikningsskilavenju. Ef raunvirði eigna samkvæmt 1. málslíð er verulega hærra en kostnaðarverð af ástæðum sem taldar eru varanlegar er heimilt að hækka bókfært verð þeirra í ársreikningi og skal matsbreytingin færð undir eiginfjárlið 8.3, „Endurmatsreikningur“. Afskriftir skulu reiknast af kostnaðarverði. Séu þessir fjármunir endurmetnir samkvæmt 2. ml. reiknast afskriftir af endurmetnu verði þeirra. Við útreikning á kostnaðarverði samkvæmt 1. og 2. ml. skal taka tillit til framreiknings vegna áhrifa verðlagsbreytinga fram til ársins 2001.

7. gr.

Í stað núverandi 1. undirliðar 3. mgr. 53. gr. komi eftirfarandi:

Hlutabréf skal færa á markaðsverði eða upprunalegu kaupverði, endurmetnu fyrir áhrifum gengisþróunar sé um að ræða verðbréf í erlendri mynt, - eftir því hvort verðið er lægra á uppgjörsdegi. Við útreikning á kaupverði samkvæmt 1. ml. skal taka tillit til framreiknings vegna áhrifa verðlagsbreytinga fram til ársins 2001.

8. gr.

6. undirliður 2. mgr. 65. gr. fellur niður.

9. gr.

Í stað núverandi eignaliðs 6.2 í viðauka III komi eftirfarandi eignaliður:

Eignaliður 6.2. „Fjárfestingarhlutabréf“. *

<i>Hreyfingar á árinu:</i>	Kr.
Bókfært verð 1.1.	
Keypt á árinu	
Selt á árinu	
Gjaldmiðilsbreytingar	
Bókfært verð 31.12.	

*) Enda komi þessar upplýsingar ekki fram í sjóðstreymisýfirliti.

10. gr.

Töluliður 8.3 og undirliðir hans undir eiginfjárhreyfingum í viðauka III falla niður.

11. gr.

Töluliður 8.4 undir eiginfjárhreyfingum í viðauka III breytist í tl. 8.3 og fær heitið „Endurmatsreikningur“.

12. gr.

Töluliður 8.5 undir eiginfjárhreyfingum í viðauka III breytist í tl. 8.4.

13. gr.

Í stað núverandi 3. ml. 1. mgr. í viðauka IV komi eftirfarandi málslíður:

Við útreikning á áhrifum rekstrarliða á handbært fé skal leiðrétta fyrir áhrifum gengismunar og verðbreytinga en ekki fyrir vöxtum þar eð sú forsenda er gefin að vextir ársins séu greiddir.

14. gr.

Í stað núverandi upptalningar undir: Sjóðstreymi, Rekstrarhreyfingar í viðauka IV komi eftirfarandi:

SJÓÐSTREYMI*Rekstrarhreyfingar:*

Hagnaður ársins

Rekstrarliðir sem ekki hafa áhrif á handbært fé:

Verðbætur og gengismunur

Framlag í afskriftareikning útlána

Tekjuskattur, breyting á skattskuldbindingu

Aðrir liðir

Breytingar á rekstrartengdum eignum og skuldum

Handbært fé frá rekstri

15. gr.

Við reglurnar bætist ákvæði til bráðabirgða sbr. eftirfarandi:

Ákvæði til bráðabirgða.

Endurmatsreikningur samkvæmt verðbólgu-reikningsskilum í árslok 2001 skal leystur upp og færður með óráðstöfuðu eigin fé í reikningsskilum fyrir árið 2002.

16. gr.

Reglur þessar eru settar með heimild í 3. mgr. 57. gr. laga nr. 113/1996, um viðskiptabanka og sparisjóði, og 2. mgr. 11. gr. laga nr. 123/1993, um lánastofnanir aðrar en viðskiptabanka og sparisjóði, og öðlast þegar gildi.

Fjármálaeftirlitinu, 30. október 2002.

Páll Gunnar Pálsson.**Ragnar Hafliðason.****AUGLÝSING****um deiliskipulag í Eyjafjarðarsveit.**

Sveitarstjórn Eyjafjarðarsveitar hefur samþykkt deiliskipulag fyrir íbúðarbyggð í landi Kaupangs. Á skipulagsreitnum, sem er um 4,3 ha, er gert ráð fyrir 10-12 lóðum fyrir íbúðarhús og auk þess athafnasvæði fyrir léttan iðnað, verkstæði eða vörugeymslur.

Eyjafjarðarsveit, 25. október 2002.

Bjarni Kristjánsson sveitarstjóri.